


სამოსამართლო გამოცდილების არმქონე მოსამართლეობის კანდიდატის შეფასების ფორმა

მოსამართლეობის კანდიდატის თამარ მახარობლიძის შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით			
მოსამართლეობის კანდიდატი არ აკმაყოფილებს კეთილსინდისიერების კრიტერიუმს			<input type="checkbox"/>
მოსამართლეობის კანდიდატი აკმაყოფილებს კეთილსინდისიერების კრიტერიუმს			<input type="checkbox"/>
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს			<input checked="" type="checkbox"/>
მოსამართლეობის კანდიდატის შეფასება კომპეტენტურობის კრიტერიუმის მიხედვით			
კრიტერიუმი	მიღებული ქულა	მაქსიმალური ქულა	
სამართლის ნორმების ცოდნა	23	25	
სამართლებრივი დასაბუთების უნარი და კომპეტენცია	23	25	
წერისა და ზეპირი კომუნიკაციის უნარი	18	20	
პროფესიული თვისებები	13	15	
აკადემიური მიღწევები და პროფესიული წერთხა	9	10	
პროფესიული აქტივობა	4	5	
ქულათა ჯამი	90	100	

შემფასებელი:



ნიკოლოზ მარსაგიშვილი
თარიღი : 09.12.2024



საქართველოს იუსტიციის უმაღლესი საბჭოს მდივანი ნიკოლოზ მარსაგიშვილი

რაიონული (საქალაქო) სასამართლოების მოსამართლეობის
კანდიდატთა შესარჩევ პროცედურაში მონაწილე
კანდიდატის - თამარ მახარობლიძის შეფასების დასაბუთება

საქართველოს იუსტიციის უმაღლესი საბჭოს 2024 წლის 17 ოქტომბრის №1/115 განკარგულებით დაწყებული რაიონული (საქალაქო) სასამართლოების მოსამართლის თანამდებობაზე ასარჩევად კანდიდატის - თამარ მახარობლიძის შეფასების დასაბუთების შედეგების პროცესში ვიზელმდღვანელე „საერთო სასამართლოების შესახებ“ საქართველოს ორგანული კანონის 34¹-ე მუხლის მე-11 პუნქტით და 35-ე მუხლის მე-3 პუნქტით დადგენილი წესით.

1. მოსამართლეობის კანდიდატის შეფასება კეთილსინდისიერების კრიტერიუმის მიხედვით.

რაიონული (საქალაქო) სასამართლოების მოსამართლის შესარჩევ კონკურსში მონაწილე კანდიდატი კეთილსინდისიერების კრიტერიუმით შეფასება „საერთო სასამართლოების შესახებ“ საქართველოს ორგანული კანონის 35¹ მუხლით დადგენილი მახასიათებლების მიხედვით.

„საერთო სასამართლოების შესახებ“ საქართველოს ორგანული კანონის თანახმად, იმის დასადგენად, თუ რამდენად აკმაყოფილებს კანდიდატი თამარ მახარობლიძე კეთილსინდისიერების კრიტერიუმს, წინამდებარე დასკვნაში წარმოდგენილი და გაანალიზებულია მისი შეფასება აღნიშნული კრიტერიუმის თითოეულ მახასიათებელთან მიმართებით. კერძოდ, როგორიც არის - პიროვნული კეთილსინდისიერება და პროფესიული სინდისი; დამოუკიდებლობა, მიუკერძოებლობა და სამართლიანობა; პიროვნული და პროფესიული ქცევა; პიროვნული და პროფესიული რეპუტაცია.

აღსანიშნავია, რომ კეთილსინდისიერების კრიტერიუმით თამარ მახარობლიძის შეფასება დაეყრდნო კანდიდატის შესახებ მოძიებულ ინფორმაციას, რა დროსაც სხვადასხვა უწყებიდან მის შესახებ გამოთხოვილი იქნა შემდეგი სახის ინფორმაცია: საქართველოს შინაგან საქმეთა სამინისტროდან და ქ. თბილისის მუნიციპალიტეტის ტრანსპორტისა და ურბანული განვითარების სააგენტოდან - მონაცემები ადმინისტრაციული სამართლდარღვევების შესახებ; სს „კრედიტინფო საქართველოდას“ - სრული პერსონალური საკრედიტო ინფორმაცია; საქართველოს ფინანსთა სამინისტროს შემოსავლების სამსახურიდან - ცნობა შემოსავლების შესახებ; საჯარო სამსახურის ბიუროდან - ქონებრივი მდგომარეობის დეკლარაცია; კანდიდატის სამუშაო ადგილიდან - ინფორმაცია დისკიპ-

ლინური სამართალწარმოების შესახებ. თამარ მახარობლიმის დახასიათების მიზნით, მასთან სამსახურებრივ და პირად ურთიერთობაში მყოფი პირებისაგან მიღებულ იქნა შეცვებული სპეციალური ფორმის რეკომენდაციები, კითხვარები და ასეთი ინფორმაციის შემცველი სხვა დოკუმენტები. ამასთან, თამარ მახარობლიმის შეფასებისას მხედველობაში მივიღე მის მიერ განაცხადის შეცვებისას შითითებული ინფორმაცია და საჯარო მოსმენის დროს უშუალოდ კანდიდატის მიერ გამოცლენილი სხვადასხვა თვისება.

პიროვნული კეთილსინდისიერებისა და პროფესიული სინდისის მახასიათებლის თაობაზე, ზემოაღნიშნულ ინფორმაციაზე დაყრდნობით, კანდიდატთან დაკავშირებით შეიძლება ითქვას, რომ რეკომენდატორები და სხვა გამოკითხული პირები კანდიდატს დადებითად ახასიათებენ. გამოარჩევენ მის კეთილსინდისიერებას, მოვალეობებისა და პასუხისმგებლობის მაღალ შეგნებას და სხვა დადებით მახასიათებლების. გამოკითხული რესპონდენტები მიუთითებენ, რომ კანდიდატი აკმაყოფილებს/სრულად აკმაყოფილებს კეთილსინდისიერების კრიტერიუმს.

თამარ მახარობლიმეს გააჩნია პასუხისმგებლობისა და მოვალეობების მაღალი შეგნება და სამსახურებრივ თუ სხვა სახის მოვალეობებს, მათ შორის, ფინანსურ ვალდებულებებს ასრულებს ჯეროვნად. ადმინისტრაციულ სამართალდარღვევებთან დაკავშირებით დაკისრებული ჯარიმები თამარ მახარობლიმეს გადახდილი აქვს დროულად.

დამოუკიდებლობის, მიუკერძოებლობისა და სამართლიანობის მახასიათებელს რაც შეეხება, გამოკითხული რეკომენდატორები კანდიდატს აფასებენ, როგორც პრინციპულ პიროვნებას. აღნიშნავენ, რომ მას აქვს გადაწყვეტილების დამოუკიდებლად მიღების უნარი და არის ზეგავლენის მიმართ მედეგი.

რაც შეეხება, კანდიდატის პოლიტიკურ ან სხვა ნიშნით მიუკერძოებლობის საკითხს, უნდა აღინიშნოს, რომ თამარ მახარობლიმე არ იყო რომელიმე პოლიტიკური პარტიის წევრი, მხარდაჭერი ან/და შემოწირველი და საჯარო მოსმენაზეც მისი მხრიდან არ გამოვლინდა პოლიტიკური ან სხვაგვარი მიკერძოებულობის ნიშნები.

პიროვნული და პროფესიული ქცევის მახასიათებელთან დაკავშირებით აღსანიშნავია, რომ თამარ მახარობლიმე გაწონასწორებულია და მართავს საკუთარ ემოციებს. კანდიდატის მოსმენის შედეგად დამრჩა შთაბეჭდილება, რომ იგი არის მოტივირებული, კორექტული და თავაზიანი. კანდიდატის წინააღმდეგ დისციპლინური დევნა ან/და სისხლისსამართლებრივი წარმოება არ დაწყებულა. საქართველოს გენერალური პროკურატურის ინფორმაციით, თამარ მახარობლიმე დაზარალებულად ცნობილი არ ყოფილა. ამასთან, საქართველოს საერთო სასამართლოებში წარმოებულ დავებში მისი მხარედ მოსაწილეობის თაობაზე ინფორმაცია ელექტრონული საქმისწარმოების სამიებო სისტემში ვერ იქნა მოძიებული.

პიროვნული და პროფესიული რეპუტაციის მახასიათებლის მიხედვით კანდიდატის პიროვნულ თვისებებს, ისევე როგორც მის პროფესიულ მიღწევებს რეკომენდატორები და გამოკითხული პირები აფასებენ დადებითად. საქართველოს იუსტიციის უმაღლესი საბჭოს საზოგადოებასთან და მედიასთან ურთიერთობის სამსახურის მიერ მოწოდებული ინფორმაციის თანახმად, კანდიდატის თამარ მახარობლიმის შესახებ ინტერნეტში იძებნება ინფორმაცია მისი იურიდიულ სფეროში საქმიანობასთან დაკავშირებით.

იურიდიულ წრეებთან ურთიერთობის ხასიათთან და ხარისხთან დაკავშირებით უნდა ითქვას, რომ თამარ მახარობლიძე აქტიურად მონაწილეობდა მართლმსაჯულების საკითხებზე გამართულ ღონისძიებებში.

ყოველივე ზემოაღნიშნულის და თითოეული მახასიათებლის გაანალიზების შედეგად, ვინაიდან არ გამოიკვეთა გარემოება, რაც ეჭვებეშ დააყენებდა კანდიდატის კეთილსინდისიერების საკითხს, კეთილსინდისიერების კრიტერიუმის ოთხივე მახასიათებლით შემოწმებისას კანდიდატი შევაფასე სრულად დადებითად და მიმაჩნია, რომ „საერთო სასამართლოების შესახებ“ საქართველოს ორგანული კანონის 35¹ მუხლის მე-15 პუნქტის „გ“ ქვეპუნქტის შესაბამისად, თამარ მახარობლიძე სრულად აკმაყოფილებს კეთილსინდისიერების კრიტერიუმს.

2. რაიონული (საქალაქო) სასამართლოების მოსამართლეობის კანდიდატის შეფასება კომპეტენტურობის კრიტერიუმის მახასიათებლების მიხედვით:

რაიონული (საქალაქო) სასამართლოების მოსამართლის შესარჩევ კონკურსში მონაწილე კანდიდატი კომპეტენტურობის კრიტერიუმის მიხედვით შეფასდა „საერთო სასამართლოების შესახებ“ საქართველოს ორგანული კანონის 35¹ მუხლის მე-16 პუნქტით დადგენილი წესით.

„საერთო სასამართლოების შესახებ“ საქართველოს ორგანული კანონის შესაბამისად, კომპეტენტურობის კრიტერიუმის საფუძველზე თამარ მახარობლიძის შეფასებისას მხედველობაში იქნა მიღებული აღნიშნული კრიტერიუმის თითოეული მახასიათებელი, - სამართლებრივი ნორმების ცოდნა; სამართლებრივი დასაბუთების უნარი და კომპეტენცია; წერისა და ზეპირი კომუნიკაციის უნარი; პროფესიული თვისებები; აკადემიური მიღწევები და პროფესიული წერტილი; პროფესიული აქტივობა. აღსანიშნავია, რომ კომპეტენტურობის კრიტერიუმით კანდიდატის შეფასება დაეყრდნო კანდიდატის შესახებ მოძიებულ და იუსტიციის უმაღლესი სკოლის მიერ წარმოდგენილ ინფორმაციას, ასევე - საჯარო მოსმენის შედეგად შექმნილ შთაბეჭდილებას.

სამართლებრივი ნორმების ცოდნის მახასიათებელთან დაკავშირებით უნდა აღინიშნოს, რომ თამარ მახარობლიძე არის იუსტიციის უმაღლესი სკოლის XVII ჯგუფის მსმენელი (რიგითა ნომერი საკვალიფიკაციო სიაში - 9, მოსამართლის საკვალიფიკაციო გამოცდაში მიღებული ქულები - 85/15).

იუსტიციის უმაღლესი სკოლის დამოუკიდებელი საბჭოს შეფასებით, „თამარ მახარობლიძემ წარმატებით გაიარა თეორიული სწავლების, სტაჟირების და სემინარული მუშაობის ეტაპები, წარმატებით ჩააბარა სკოლის დამატავრებელი გამოცდა. სტაჟირებაში მიიღო უმაღლესი ქულა და სკოლის დამამოავრებელ გამოცდაში - 89 ქულა;

სამოქალაქო სამართალში თამარ მახარობლიძეს გააჩნია მაღალი თეორიული და პროფესიული ცოდნა. სწრაფად და ეფექტურად შეუძლია საკითხის სიღრმისეულად შესწავლა. სამუშაოს ასრულებდა საუკეთესოდ. პრაქტიკული თვალსაზრისით, განვითარებული აქვს ყველა საჭირო უნარზეცემი. არის თავდაჯერებული, კომუნიკაბელური, კოლეგიური და გაწონასწორებული. შეუძლია საკითხის სწორად და ცხადად გადმოცემა,

როგორც ზეპირად, ასევე წერილობით. აქვს სამართლებრივი ანალიზის კარგი უნარი. შეუძლია არგუმენტირებული და დახვეწილი სამართლებრივი მსჯელობა;

აღმინისტრაციული სამართალი - თამარ მახარობლიმე არის საკმაოდ გაწონასწორებული და გონიერაგახსნილი ადამიანი, ასევე - მიზანდასახული და საქმისადმი ერთგული. აქვს პასუხისმგებლობის მაღალი შეგნება. აქვს უნარი ადამიანები შის მიმართ პატივისცემით და ნდობით განაწყოს. არის კორექტული, ახალ ინფორმაციას და მასალას მაღიან ადვილად ითვისებს და აანალიზებს. სტაჟირების პერიოდში თავი გამოიჩინა, როგორც კომუნიკაციული ადამიანმა. გამოირჩევა ტაქტიკობით და არასოდეს გასცდენია ეთიკის ნორმებს. აქვს კარგი თეორიული ცოდნა და შესაბამისად იყენებს პრაქტიკაში, შეუძლია არგუმენტირებული და დახვეწილი სამართლებრივი მსჯელობა. მის მიერ მომზადებული გადაწყვეტილებების პროექტები წერილობით სწორად და თანმიმდევრულად არის ჩამოყალიბებული. მისი თეორიული ცოდნა და პრაქტიკული გამოცდილება, პიროვნული თვისებები და უნარები სრულ შესაბამისობაშია სამომავლოდ სამოსამართლო საქმიანობის განხორციელებასთან. თამარ მახარობლიმე არის ზრდილობიანი, გაწონასწორებული, კომუნიკაციული და ორგანიზებული პიროვნება. რეკომენდირებულია მან იმუშაოს აღმინისტრაციული სამართლის სპეციფიკური საკითხების სიღრმისეულ შესწავლაზე, რაც გამოადგება პრაქტიკულ საქმიანობაში.“

იუსტიციის უმაღლესი საბჭოს მიერ კანდიდატების შესახებ მომიებული ინფორმაციის შესწავლის შემდეგ, 2024 წლის 3 დეკემბერს, თანარ მახარობლიმესთან გაიმართა საჯარო მოსმენა, რა დროსაც იუსტიციის უმაღლესი საბჭოს წევრებმა კანდიდატს დაუსვეს არაერთი ზოგადი და კონკრეტული სამართლებრივი ხასიათის შეკითხვა.

საჯარო მოსმენის შედეგად ნათელი გახდა, რომ თამარ მახარობლიმე კარგად ფლობს საქართველოს სისხლის სამართლის როგორც მატურიალურ, ისე საპროცესო სამართლის თეორიულ საფუძვლებს. აღსანიშნავია, რომ მას ჩაბარებული აქვს მოსამართლეობის საკვალიფიკაციო გამოცდა სისხლის სამართლის სპეციალიზაციით. მანვე წარმატებით გაართვა თავი კონსტიტუციურ სამართლებრივ საკითხზე და არასრულწლოვანთა მართლმსაჯულების კოდექსიდან დასმულ შეკითხვებს. უფიქრობ, მან ძირითადად სრული პასუხები გასცა სისხლის, აგრეთვე, სამოქალაქო სამართლის სფეროდან დასმულ შეკითხვებს.

საბოლოოდ, მიმაჩნია, რომ თამარ მახარობლიმე კარგად იცნობს სისხლის სამართლის მატურიალურ და საპროცესო კანონმდებლობას. კანდიდატმა დასმულ შეკითხვებზე გასცა კვალიფიციური პასუხები, თითოეულ საკითხზე მისი მსჯელობა იყო არგუმენტირებული.

კანდიდატის სამართლებრივი დასაბუთების უნართან და კომპეტენციასთან დაკავშირებით შეიძლება ითქვას, რომ თამარ მახარობლიმეს აქვს ხანგრძლივი პროფესიული და პედაგოგიური საქმიანობის გამოცდილება. ამასთან, იგი არის იუსტიციის უმაღლესი სკოლის კურსდამთავრებული.

იუსტიციის უმაღლესი სკოლის დამოუკიდებელი საბჭოს შეფასებით, „თამარ მახარობლიმის მიერ გადაწყვეტილების და განჩინების პროექტები მომზადებული და გადმოცემულია გასაგები ენით.“ ასევე, კანდიდატთან პირად თუ სამსახურებრივ ურთიერთობაში მყოფი რეკომენდატორების ინფორმაციით, კანდიდატს აქვს პროფესიული კუთხით მუშაობის დიდი გამოცდილება და კარგი ანალიტიკური აზროვნების უნარი.

მიმართ, რომ კანდიდატის მიერ ჩამოყალიბებული მოსაზრებები არგუმენტირებული და დასაბუთებულია. საჯარო მოსმენის შედეგის გათვალისწინებით, ვთიქრობ, რომ კანდიდატის მსჯელობა სამართლის პრაქტიკული და თეორიული საკითხების გარშემო კვალიფიციური და თანმიმდევრულია.

წერისა და ზეპირი კომუნიკაციის უნართან დაკავშირებით გასათვალისწინებელია იუსტიციის უმაღლესი სკოლის დამოუკიდებელი საბჭოს შეფასება, რომლის მიხედვით „თამარ მახარობლიმის მომზადებული გადაწყვეტილებების, დადგენილებისა და განჩინებულის პროექტები შედგენილია საბროცესო დოკუმენტების შედგენისათვის დადგენილი სტრუქტურით. მას შეუძლია გრამატიკულად და სტილისტურად გამართულ ენაზე, ნათლად და გასაგებად ჩამოყალიბოს აზრი. თამარ მახარობლიმეს შესწევს უნარი საქმის გარემოებები და მასში არსებული პრობლემები სტრუქტურირებულად ჩამოაფალიბოს ზეპირად. ასევე, ზეპირად ამომწურავად გადმოცემს აზრს და შემდეგ მოვლე შეჯამებას ასახავს წერილობით.“

გამოკითხული რეკომენდატორები მიუთითებენ, რომ თამარ მახარობლიმე აზრს ნათლად და გასაგებად გადმოსცემს, აქვს ლოგიკური მსჯელობის და ანალიზის უნარი, შეტყველებს გამართულად, შეუძლია განსხვავებული აზრის მოთმინებით მოსმენა. გამოკითხული რესპონდენტები კომპეტენტურობის კრიტერიუმის მითითებულ მახასიათებელში პოზიტიურად აფასებენ კანდიდატს.

მიმართ, რომ კანდიდატს შეუძლია აზრის დამაჯერებლად, კვალიფიციურად და ლოგიკურად გადმოცემა, როგორც წერილობით, ისე ზეპირი კომუნიკაციისას. საჯარო მოსმენაზე კანდიდატი ლოგიკურად და არგუმენტირებულად გადმოსცემდა საკუთარ შეხედულებებს. მას გააჩნია სხვისი აზრის მოთმინებით მოსმენის და საკუთარი აზრის არგუმენტირებულად დაცვის უნარი.

პროფესიული თვისებებთან დაკავშირებით აღსანიშნავია, რომ თამარ მახარობლიმე გამოიწვევა გამართული მეტყველების უნარითა და სხვისი აზრის მოთმინებით მოსმენის თვისებით. როგორც უკვე აღვნიშნე, კანდიდატმა საჯარო მოსმენაზე არგუმენტირებულად და დასაბუთებულად იმსჯელა სხვადასხვა საკითხზე.

აკადემიური მიღწევები და პროფესიული წვრთნის მახასიათებელთან დაკავშირებით აღსანიშნავია, რომ კანდიდატი თამარ მახარობლიმე მუდმივად ღიაა სიახლეების

მიმართ, იგი ზრუნავს თვითგანვითარებაზე, აქტიურად მონაწილეობს პროფესიული წვრთნის პროგრამებში, შემენილ ცოდნას და უნარებს იყენებს პრაქტიკულ საქმიანობაში.

კანდიდატს ჩატარებული აქვს ადვოკატთა და მოსამართლის საკვალიფიკაციო გამოცდები, საგანმანათლებლო ხასიათის ტრენინგებზე იყო ტრენერთა ტრენერი. ამასთან, კანდიდატი ეწევა პედაგოგიურ საქმიანობას რამდენიმე საგანმანათლებლო დაწესებულებაში. კანდიდატი არის არაერთი აკადემიური ნაშრომის ავტორი/თანაავტორი.

პროფესიული აქტივობის მახასიათებელთან მიმართებით კანდიდატის დახასიათებისას გასათვალისწინებელია, რომ თამარ მახარობლიძეს აქვს თვითგანვითარების, ახალი ცოდნისა და უნარების შემენის ინტერესი, მიღებულ ცოდნას კი წარმატებით იყენებს პრაქტიკაში. ჩატარებული აქვს მოსამართლის და ადვოკატთა საკვალიფიკაციო გამოცდები.

კანდიდატს მონაწილეობა აქვს მიღებული არაერთ სემინარსა და სამუშაო შესვედრაში, მათ შორის, - არასაპატიმრო ღონისძიების სახით კონფისკაციის გამოყენება - EU/CeE პარტნიორობა კარგი მმართველობისთვის რეგიონული პროექტი, 2021წ.; სამართლებრივი წერა - საქართველოს იუსტიციის სასწავლო ცენტრი, 2021წ.; პერსონალურ მონაცემთა დაცვა - საქართველოს იუსტიციის სასწავლო ცენტრი, 2022 წ. და სხვა. აქვე აღნიშნავ, რომ კანდიდატი ეწევა პედაგოგიურ საქმიანობას სხვადასხვა საგანმანათლებლო დაწესებულებაში, მოპოვებული აქვს რამდენიმე სასწავლო სტიპენდია. იგი არის არაერთი აკადემიური ნაშრომის ავტორი/თანაავტორი.

ამდენად, კომპეტენტურობის კრიტერიუმის თითოეულ მახასიათებელთან მიმართებით კანდიდატის შეფასებისას გათვალისწინებულ იქნა მისი ცოდნა, კომპეტენცია, გამოცდილება, პროფესიული თვისებები, უნარ-ჩვევები და სხვა მნიშვნელოვანი მახასიათებლები. აღნიშნული ინფორმაციის შეჯერებისა და შეფასების საფუძველზე კი დადგინდა, რომ თამარ მახარობლიძის მიერ დაგროვილ ქულათა ჯამი მაქსიმალური 100 ქულიდან შეადგენს 90 ქულას.

შემფასებელი:



ნიკოლოზ მარსაგიშვილი
თარიღი: 09.12.2024